



ILCM Fact Sheet: Minnesota Txoj Cai Tswj Hwm Tshuaj Maj Tshiab

*Daim ILCM ntawv muaj li no thiab tseeb lub Kaum Ob Hlis Ntuj Tim 12, 2023
Daim ntawv no tsis yog lus pab qhia los ntawm kwv lij choj.*

Keeb Kwm ntawm Txoj Cai Tswj Hwm Tshuaj Maj

Xyoo no, Minnesota tau tshaj tawm txoj cai lij choj rau kev siv thiab kev muaj tshuaj maj rau cov neeg laus 21 xyoos nce mus. Txij li Lub Yim Hlis Ntuj Tim 1, txoj cai no pib siv tau.

Tsis tas li ntawd, txoj cai lij choj kuj tseem xav kom tshem tawm qee yam yeeb tshuaj maj them qis ntsig txog kev txiav txim siab plaub ntug thiab raug ntes.

Qhov no txhais tau hais tias lub tsev hais plaub yuav muab cov ntaub ntawv kaw teev tseg thiab lawv yuav tsis siv tau rau pej xeem. Qee lub koom haum hauv tsoom fww xws li qhov kev nkag teb chaws tseem tuaj yeem nkag mus rau cov ntaub ntawv no tau thiab.

Tsis yog xam xaj Meskas los?



Tsis txhob siv tshuaj maj.



Kev siv, kev muaj, kev cog, thiab kev muag tshuaj maj kuj tseem txhaum cai raws li tsoom fww txoj cai lij choj.

Yog tias koj tsis yog neeg sam xaj Meskas, tias txhob siv, muaj, cog, los sis muag tshuaj maj. Kev ua li ntawd tau yeem ua rau koj tsis tau tsais kev cai lij choj los sis kev ua neeg sam xaj Meskas, ua rau koj poob rau ntawm koj txoj kev nkag teb chaws, los sis ua rau koj muaj kev pheej hmoo raug ntiab tawm teb chaws.

*Qhov no tsis yog lus pab qhia los ntawm kwv lij choj.

Tsoom Fww Txoj Cai Lij Choj

Thaum Minnesota tau tso cai tshuaj maj rau cov neeg laus 21 xyoos nce mus lawm, **Tshuaj maj kuj tseem tsis tau raug cai raws li tsoom fww txoj cai lij choj.** Qhov no suav nrog txhua hom tshuaj maj (piv txwv li, tsob tshuaj maj, cov khoom noj muaj kuab tshuaj maj, thiab cov dej THC).

- Txoj cai lij choj nkag teb chaws yog tsoom fww txoj cai lij choj.
- Qhov ntawd txhais tau hais tias cov neeg uas tsis yog neeg xam xaj Meskas yuav tsum nyob deb ntawm cov tshuaj maj txawm tias nws raug cai raws li lub xeev txoj cai lij choj los xij vim tias nws tuaj yeem cuam tshuam rau lawv nrog rau kev cuam tshuam loj rau kev nkag teb chaws.
 - **Lawv yuav tsum tsis txhob siv, muaj, cog, muag los sis muaj ib yam dab tsi cuam tshuam nrog tshuaj maj.**
- Tsis li ntawd, nws tuaj yeem ua rau lawv poob txoj cai nkag teb chaws los sis tsis tuaj yeem tau txais kev nkag teb chaws, ua rau raug ntiab tawm teb chaws.
 - Txawm hais tias ib tus neeg tau txais kev pom zoo rau vixaj los sis daim npav ntsuab lawm los xij, cov teeb meem ntawm kev siv tshuaj maj tuaj yeem tshwm sim tau thaum ua ntawv thov lwm yam nyob rau yav tom ntej. Vim li no, nws tsis muaj kev nyab xeeb los siv tshuaj maj kom txog thaum koj yog neeg xam xaj Meskas kiag txawm tias koj twb muaj lwm txoj cai lij choj hauv Teb Chaws Meskas lawm los xij.
 - Cov neeg uas muaj kev txhaum rau kev siv tshuaj maj los sis lees paub tias siv tshuaj maj kuj tuaj yeem raug txwv tsis pub nkag mus rau Teb Chaws Meskas thiab yog tias lawv tawm hauv lub teb chaws mus thiab sim rov nkag los.

Muaj ob peb yam tseem ceeb uas yuav tsum paub txog tshuaj maj yog tias koj tsis yog neeg xam xaj Meskas:

- Tsis txhob siv tshuaj maj mus kom txog thaum koj yog neeg xam xaj Meskas tso.
- Tsis txhob ua hauj lwm hauv feem tshuaj xas los sis mus saib cov chaw muag tshuaj maj.
 - Ntau daim ntawv thov kev nkag teb chaws xav kom koj nthuav tawm koj keeb kwm kev ua hauj lwm.
- Yog tias koj xav tau kev kho mob thiab tsis muaj kev hloov pauv zoo rau kev siv tshuaj maj, nrog tus kws lij choj fab kev nkag teb chaws tham ua ntej.
 - *(Tsis muaj kev zam los ntawm tsoom fwm rau kev siv kho mob.)*
- Ib txwm tsis txhob nqa tshuaj maj tawm hauv tsev mus, daim npav kho mob nrog tshuaj maj, khoom siv (xws li cov yeeb nkab), los sis cov khoom siv xws li cov tsho muaj duab los sis cov ntawv nplaum tshuaj maj.
 - Piv txwv li, koj tuaj yeem raug nres rau qee yam me-me xws li kev nres tsheb thiab tub ceev xwm tuaj yeem nrhiav cov tshuaj maj thiab koj tuaj yeem muaj teeb meem tau.
 - Lwm qhov piv txwv yog tias koj tsav tsheb nyob ze ciam teb, tej zaum koj yuav tau xa mus rau kev kuaj ntawm koj lub tsheb.
- Tsis txhob muaj cov duab los sis cov ntawv hais txog koj thiab tshuaj maj hauv koj lub xov tooj, Facebook, los sis lwm qhov chaw ntxiv.
 - Snapchat thiab lwm cov app uas luv tawm cov lus thiab cov duab tsis lav tias koj cov lus thiab cov duab yuav ploj mus los sis raug zais cia.
- Tsis txhob tham txog kev siv tshuaj maj los sis muaj nrog ib tus neeg saib xyuas kev nkag teb chaws los sis ciam teb, tshwj tsis yog koj muaj cov kws tshaj lij rau fab kev cai lij choj hais tias qhov no yog tsis ua cas.
- Yog tias ib tug neeg lis hauj lwm nug koj txog tshuaj maj, hais tias koj tsis xav nrog lawv tham thiab koj xav tham nrog kws lij choj. Koj muaj cai tsis txhob hais dab tsi.

Yog tias koj yog neeg xam xaj Meskas, nco ntsoov siv los sis muaj tshuaj maj nyob ib puag ncig nrog cov phooj ywg los sis cov neeg hauv tsev neeg uas tsis yog neeg xam xaj Meskas. Koj qhov kev ua yuav ua rau lawv muaj kev pheej hmoo.

- Nws yog qhov zoo tshaj plaws kom ceev faj txog txhua yam kev ua uas yuav koom nrog koj tus phooj ywg los sis cov neeg hauv tsev neeg nrog cov tshuaj maj.
 - Piv txwv li, ib kub niam txiv neeg xam xaj Meskas los sis cov neeg hauv tsev neeg yuav tsum tsis txhob them rau cov tshuaj maj nrog ib tus as khauj hauv tuam txhab nyiaj sib koom.

Cov Hluas

Rau cov neeg muaj hnuv nyoog qis dua 21 xyoos, nws yog qhov txhaum cai raws li lub xeev thiab tsoom fwm txoj cai los siv los sis muaj tshuaj maj.

- Yog tias cov neeg muaj hnuv nyoog qis dua 21 xyoos raug ntes nrog cov tshuaj maj hauv Minnesota, lawv tuaj yeem tau txais tsab ntawv ceeb toom los ntawm tub ceev xwm ntxiv rau cov kev cuam tshuam rau kev nkag teb chaws.
- **Vim li no, nws yog ib qho tseem ceeb tshwj xeeb rau cov tub ntxhais hluas uas tsis yog pej xeeb meskas kom tsis txhob siv tshuaj maj.**

Cov Khoom Delta-8 thiab Xas

Tam sim no muaj ntau lub khw muag khoom uas tsim los ntawm feem cov tshuaj maj xws li Delta-8 thiab lwm yam khoom siv xas rau cov neeg muaj hnub nyoog 21 xyoos nce mus. Txhawm rau kom muaj kev nyab xeeb, nws yog qhov zoo tshaj kom zam cov khoom no. Nws tuaj yeem tsis tuaj yeem ua kom paub meej tias koj tab tom yuav dab tsi, thiab tej zaum koj yuav tsis paub cov ntsiab lus tshwj tsis yog koj sim cov khoom.

- Tsoom fww teb chaws meskas txoj cai lij choj muaj cov cai tshwj xeeb txog yam khoom siv xas yog raug cai.
- Tsis tas li ntawd, kuj tseem muaj kev hloov pauv ntawm tsoom fww txoj cai lij choj thiab cov cai ntawm cov feem xyaw no.
- Tsis tas li ntawd, muaj cov cai hauv xeev hais txog cov khoom xas. Yog tias koj ua txhaum lub xeev txoj cai, koj tuaj yeem raug foob rau kev ua txhaum cai.

Kev Txhaum Cai Rau Fab Kev Rau Txim

Txawm hais tias muaj txoj cai tshiab, muaj lub txim txhaum cai hauv lub xeev cuam tshuam txog tshuaj maj thiab cov khoom xas nrog rau tej yam xws li:

- Muaj cov khoom txwv tsis pub siv tshuaj maj thiab cov khoom xas
- Kev muag tshuaj maj thiab cov khoom xas tsis raug cai
- Kev muag los sis kev muab tshuaj maj thiab cov khoom xas rau ib tus neeg twg uas muaj hnub nyoog qis dua 21 xyoos
- Kev cog cov tshuaj maj tsis pub muaj ntau dhau qhov kev txwv
- Kev tsav tsheb hauv kev siv cov tshuaj maj thiab cov khoom xas los sis kev siv cov khoom no thaum tsav lub tsheb
- Tsis tas li ntawd, lub nroog kuj tseem yuav tau txais cov kab ke txwv tsis pub siv tshuaj maj thiab cov khoom xas hauv ib qho chaw zej tsoom

Kev ua tej yam no yog tsis raug cai thiab tuaj yeem ua rau muaj teeb meem loj heev rau kev nkag teb chaws thiab tub ceev xwm.

Kev Txiav Txim Muab Kev Rau Txim thiab Kev Rhuav Tshem Cov Tshuaj Maj

Yog tias koj tau raug txim yav dhau los-los sis raug ntes rau kev ua txhaum cai rau tshuaj xas hauv Minnesota, koj cov ntaub ntawv yuav raug muab tshem tawm raws li txoj cai tshiab.

- Lub tsev hais plaub thiab Lub Chaw Hauj Lwm Saib Xyuas Txoj Cai Kev Rau Txim yog nyob rau hauv tus txheej txheem ntawm kev tshem tawm qee yam ntaub ntawv.
- [Koj yuav tsum thov cov ntawv theej ntawm koj cov ntaub](#) ntawv sai li sai tau ua ntej lawv raug rhuav tshem tawm vim koj xav tau cov ntawv no rau daim ntawv thov nkag teb chaws yav tom ntej.
 - Yog tias ua tau, muab daim ntawv pov thawj ntawm theej koj cov ntaub ntawv los ntawm lub tsev hais plaub.

Qhov kev nkag teb chaws tseem yuav muaj kev nkag mus rau cov ntaub ntawv tau hais txog kev raug ntes thiab kev raug txim. Cov kev txiav txim rau txim yuav raug tshem tawm tseem suav tias yog kev txiav txim rau kev nkag teb chaws.

Qee daim ntawv thov nkag teb chaws hais kom koj nthuav tawm txhua qhov kev raug ntes thiab kev raug txim txawm tias lawv tau raug tshem tawm lawm los xij.

Koj yuav tsum tsis txhob ua daim ntawv thov nkag teb chaws los sis mus ncig sab nraud ntawm Teb Chaws Meskas yog tias koj tau muaj kev cuam tshuam nrog tshuaj maj yam tsis tau tham nrog tus kws lij choj fab kev nkag teb chaws.

Kev Xaus Ntsiab Lus

Muaj kev nplua rau kev nkag teb chaws hnyav rau kev ua dej num fab tshuaj maj, txawm tias nws raug cai raws li lub xeev txoj cai los xij. Qhov no suav nrog kev siv los sis kev muaj ib hom tshuaj maj (cog, cov khoom noj, thiab dej uas muaj kuab tshuaj maj).

Yog tias koj tsis yog neeg xam xaj Meskas, tsis txhob siv, muaj, cog, los sis muag tshuaj maj. Kev ua li ntawd tuaj yeem ua rau koj tsis tau txais kev cai lij choj los sis kev ua neeg xam xaj Meskas, ua rau koj poob rau ntawm koj txoj kev nkag teb chaws, los sis ua rau koj muaj kev pheej hmoo raug ntiab tawm teb chaws. Tsis tas li ntawd, nws tseem muaj kev nyab xeeb tshaj plaws kom zam cov khoom xas.

Yog tias koj tau muaj kev cuam tshuam nrog tshuaj maj, koj yuav tsum sab laj nrog tus kws lij choj fab kev nkag teb chaws txog koj rooj plaub ua ntej ua ntawv thov nkag teb chaws los sis mus txawv teb chaws.

Immigrant Law Center of Minnesota (ILCM)

Txhawm rau tau txais kev pabcuam kev nkag tebchaws dawb, thov hu rau peb cov neeg siv khoom kab thaum peb qhib sijhawm.

1-800-223-1368

- Hnub Monday: 10 a.m. – 1 p.m.
- Tuesday: 1 p.m. – 4 p.m.
- Wednesday: 10 a.m. – 1 p.m.
- Thursday: 3 p.m. – 6 p.m.